

Юрий Васильевич Потанов – Саргын

Хомус

Людмила Митхайловна Лукинаба - Долгуураба.

Этигэн хомуһун эйээрдин,
Доржоонноох хомуһун дуорайдын,
Тойуктаах хомуһун дьизэрэйдин,
Дьүрүллээх хомуһун дьүһүйдүн.

Күөрэгэйгин көтүттүн,
Ньургуһунгун таһаардын,
Кыталыккын ылаттын,
Куба буолан санардын,
Дьөһөгөйгүн кистэттин,
Күннүүн тэнгэ сырыстын.

Үлэ- хамнас туһунан
Үөрэ- көтө кэпсээтин,
Аймах- билэ дьонноргор
Алгыһынан кыттыстын.

Үөрэр кэмнэр тэнгэ үөрдүн,
Ыллыр кэмнэр ыластын,
Хомойдоххо хомойдун,
Ытыр кэмгэ ытастын.

Кыра дьоһус бэйэтэ
Кылыһахха кыттыстын,
Саха куттаах сайдам дьонно
Доһор- атас буолуохтун.

Ааспыт кэми, кэлэр кэми
Туойа- ыллы сырыттын,
Куһаҕаны- мөкүнү
Куоттарбакка ылаатын.
Дьоһун- мааны дьоһус хомус
Хоойгор сылдьан аргыс буолан,
Үөрэр күннэр, мөлтүүр кэмнэр
Этгэн- хаантан иэйэр- куйар
Күүскэ күүһү эпсиһэр,
Кистэлэнгин кэпсэтэр
Бөҕө тирэх, үтүө доһор
Мэлдьи буола туруохтун.

Дьурулаатын, чугдаардын,
Доллоһуйдун, дуорайдын,
Сахам сириин саргытын
Сарсыннытын хоһуйдун.

Айыыларбыт айбыттара
Аналынан буолуохтун,
Ааттыын- суоллуун аатыран
Айхаллана туруохтун!

Потанов , Юрий Васильевич – Саргын. Хомус // *Иһирэх иэйишлэрим : [хоһооннор] / Юрий Васильевич Потанов. – Нам , 2012. – С. 119-120.*